

Uunga siunnersuut: Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. xxyy- xxx 2012-meersoq

pillugu

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaaneerreqarnissaanut saqqummiunneqartoq

Inuussutissarsiornermut Ataatsimiititaliaq siunnersuummik suliarinninnermini ukuninnga inuttaqarpoq:

Inatsisartunut ilaasortaq Naaja Nathanielsen, Inuit Ataqaatigiit, siulittaasoq

Inatsisartunut ilaasortaq Andreas Uldum, Demokraatit, siulittaasup tullia

Inatsisartunut ilaasortaq Kim Kielsen, Siumut

Inatsisartunut ilaasortaq Akitsinnguaq Olsen, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqaatigiit

Inatsisartunut ilaasortaq Karl Lyberth, Siumut

UKA 2012-imi ulloq 18. oktober siullermeerinerup kingorna siunnersuut Inatsisartunit innersuunneqartoq ataatsimiititaliamit misissorneqarpoq matumuunalu Inatsisartut suliarinninnissaannut isumaliutini naliliininilu saqqummiullugit.

1. Siunnersuutip imarisaa siunertaalu

Takornariartitsinermik inuussutissarsiuteqartut ukiuni arlaqalersuni takornariartitsinermik ingerlataqarnermi siunissamat ungasinnerusumut aningaasaliissuteqarnissaminnut pitsaannerusumik atugassaqartinneqarnissartik kissaatigisarsimavaat. Takornariartitsinermik inuussutissarsiuteqartut, nunap sannaatigut sumiiffinni erseqqinnerusumik aalajangerneqarsimasuni immikkut ingerlataqarnissaminnut pisinnaatitsissutinik angusaqarusullutik kissaatigaat. Periarfissaq tamanna ullumikkut suli pilersinneqarsimannngilaq, taamaattumillu kinaluunniit nunaminertamik pilersitsivissamat akuersissummik pigisaqartoq sumiluunniit pilersitsisinnaalluni. Tamatuma kingunerissavaa pimoorussilluni aningaasaliinniartoq soorlu assersuutigalugu illuaqqanik pilersitsinissamat akuersissummik pissarsisimasoq takornariallu amerlanerusut pissarsiariniarlugit

nunaminertamik kajungernarsaaniarluni assigiinngitsutigut suliniuteqarsimasoq aningaasaliinerminut illersorneqanngilaq, tassa kikkulluunniit sumiiffimmut tamaanga takornariartitsisinnaammata sumiiffillu atorlugu, tamatumunnga peqataanngikkaluarluni.

Inatsisissatut siunnersuutip pingaarnertut siunertaraa Kalaallit Nunaanni takornariartitsinermi inuussutissarsiorderup ineriartorneranut peqataanissaq inuiaqatigiinnilu siuariartornermik pilersitsinissaq, takornariartitsinermi niuerutissanik tuniniaanerup siuarsarneratigut. Tamanna pissaaq sumiiffiit ilaanni takornariartitsinermik inuussutissarsiuteqartut akuersissummik pissarsitinnerisigut takornariartitsinermi sammisaqartut periarfissillugit. Ingerlatat nutaat kisiisa ineriartortinneqarnissaat inatsisip siunertarinngilaa, aammali ingerlatat pioreersut tapersersussallugit ineriartorteqqissallugillu.

Inatsisissatut siunnersuut pisinnaatitsissummik imaqarpoq, Naalakkersuisut takornariartitsinermi ingerlataqarnermi inunnut suliffeqarfinnullu akuersissutinik tunniussisinnaasut, taamaaliornikkut piginnaatitsissummik pigisaqalerlutik, pisinnaatitaaffinnillu pisussaaffinnillu ilaatigut pissarsissallutik.

Inatsisissatut siunnersuut malillugu takornariartitsinermi ingerlatassanut akuersissutinik tunniussisarnermi kiisalu tamakkununnga atatillugu oqartussatut suliarinnittarnernut Naalakkersuisut oqartussatut akisussaasuupput. Takornariartitsinermi ingerlatassanut akuersissuteqartarnerup tungaanut Naalakkersuisut oqartussaaneramik ingerlatsisuutinnerisigut nunamut tamarmut periusissaq assigiiaartoq anguneqassaaq.

Takornariartitsinermi ingerlataqarnissamut akuersissut taamaallaat sumiiffimmut tunniunneqarsinnaavoq, akuersissut malillugu ingerlatat isumagineqarneranni pilersaarusiortarneq aamma nunaminertanik atuisarneq pillugu Inatsisartut inatsisaat kiisalu inatsit malillugu pilersaarutit aalajangersakkallu allat aalajangerneqarsimasut ingerlanneqassappata. Nunaminertanut imaluunniit pilersaarusiordernut oqartussaasut, apeqqutit tamakku pillugit aalajangiisussaataapput, tassalu kommunalbestyrelsi imaluunniit Naalakkersuisut.

Siunnersuut periarfissiivoq takornariartitsinermik ingerlataqartut sumiiffiup tigussaasup aalajangersimasup iluani takornariartitsinermi niuerutissamik arlalinnilluunniit tunniussinissaminnut akuersissuteqarsinnaanngorlugit. Takornariartitsinermik ingerlataqartut inuussutissarsiummi pisariaqartitanik aningaasaliissuteqarnerisigut, taamaaliornikkullu sulianik annertunerusunik najugaqarfimmilu siuarsaanermik pilersitsinerisigut piffissamut ungasissumut ineriartortitsinissamut sinaakkutissiornissaq siunnersuummut pingaarnertutatut anguniagaavoq. Taamaalilluni sumiiffinni erseqqinnerusumik aalajangersarneqarsimasuni takornariartitsinermik inuussutissarsiordermik sammisaqarnermi annertunerusumik iliuuseqarlunilu suliaqarnerunissaq siunnersuummi pineqarput.

2. Siunnersuutip Inatsisartunit siullermeerneqarnera

Inatsisissatut siunnersuutip siullermeerneqarnerani siunnersuut nalinginnaasumik tapersernejarpog aammalu innuttaasut pinngortitami nalinginnaasumik angalaarsinnaanerisa siunnersuutikkut akornuserneqannginnissaa partiinit tamanit pingaartinneqarluni. Apeqqutit arlallit Inuussutissarsiornermut Ataatsimiititaliamit oqaluuserisassanngorlugit partiinit arlalinnit innersuunneqarput.

Takornariartitsinermik (najukkami) ingerlatsilersut nutaat akuersissummik pissiarsinissaannut periarfissat inatsisissatut siunnersuummit qanoq sunnerneqassanersut paasinarsinneqassasog Inuit Ataqtiginnit kissaatigineqarpoq. Aammalu pissutsit apeqqutaatillugit takornariaqarnermik ingerlataqartut marluk pingasulluunniit sumiiffimmi nunamik avitsinnaanerannut periarfissaq partiip aamma tikkuarppaa.

Nunaminertarujussuup / angalaarfissaginnerpaat inummut ataasiinnarmut tunniunneqannginnissaasa qalakkeerneqarnissaa Siumumit kissaatigineqarpoq. Akuersissut atornejanngippat piunasaqaatit qanoq ittut atuutsinneqassanersut erseqqissumik oqaasertalerneqassasog partiip aamma kissaatigaa. Kiisalu Kalaallit Nunaannut attaveqarnissamik piunasaqaatip ukiunut tallimanut kingullernut annertusineqarnissaa kissaatigineqarpoq, taamaattorli ilinniarneq pissutigalugu aallaqqasariaqarnej eqqarsaatigineqassalluni.

Siunnersuut saqqummiunneqartoq Demokraatinit tapersersorneqarpoq.

Nunami sumiiffimmi akuersissuteqarfiusumi aatsitassanik ima annertutigisunik piiaaffigissallugit imminut akilersinnaasunik nassaartoqartillugu akuersissut qanoq pissuseqarfigineqassanersog isummerfigineqassasog Atassutip kissaatigaa.

Kattusseqatigiit Partijat ilaatigut isumaqarpoq akuersissutinik kommunit tunniussisarnissaat tungavissaqartariaqartoq kiisalu akuersissummi piunasaqaatit eqquutsinneqartinnagit akuersissummik arsaarinnissinnaanermut maleruagassat sukaterneqassasut.

3. Tusarniaanermut akissutit

Tusarniaanermut akissutit tusarniaanermut allakkiaq ilanngullugu inatsisissatut siunnersuummit ilanngunneqarput. Inatsisissatut siunnersuut piffissami 28. junimit 3. septemberimut 2012 tusarniaassutigineqarsimasog allassimavoq. Takornariaqarnermik ingerlatat akuersissuteqarfigineqarsinnaanerannut periarfissat inatsisissatut siunnersuutikkut ammaanneqarnerat ataatsimut isigalugu iluarisimaarneqarpoq.

Tusarniaanermut akissutinut tiguneqartunit ilaatigut makku allassimapput:

- Ilaatigut najukkani pissutsit takornariaqarnermillu ingerlatsisut aammalu tunisassianik ineriartortitsineq nutaanngorsaanerlu najukkani qanoq tapersorsorneqarsinnaanersut pillugit ilisimasaqarluarnertik pissutigalugu inatsit kommuninit aqutsivigineqassasoq Qeqqata Kommunia isumaqarpoq. Naalakkersuisut siunnersortitut naammagittaalliorfittullu atuutissasut kommuni isumaqarpoq. Kiisalu nalunaarusiat kommuninut nassiunneqartassasut kommuni isumaqarpoq.
- Ilaatigut ingerlatanut assartuinerinnarmut tunngasunut atatillugu akuersissutinik atuilernissaq Sermersuup Kommunianit ajortarsiutitaqartutut isigineqarpoq.
- Inatsisikkut kisermaassilinnginnissaq aammalu unammilleqatigiinnerup nalinginnaasup atorunnaarsinneqannginnissaa qulakkeerneqasassaoq Kommune Kujalleq ilaatigut isumaqarpoq. Kiisalu najukkani innuttaasut pinngortitami angalaarsinnaatitaanerisa atuisinnaatitaanerisalu il.il. erseqqissarneqarlutillu qulakkeerunneqarnissaat erseqqissarneqartariaqartoq kommuni isumaqarpoq.
- Aallarnisaasut mikinerit takornariaqarnermik suliniutinik aallartitsisinaanissaat inatsisissatut siunnersuutip maannatut iluseqartup akornuseeqataaffigigaa aammalu siuariarnermik pitsisiffiunissamut sanilliulluni unammillernermit equtsitsinerusooq Qaasuitsup Kommunia ilaatigut isumaqarpoq. Inatsisissatut siunnersuut maannatut iluseqartoq tunuarinneqassasoq kommunip siunnersuutigaa.
- Aningaasaqarnikkut siuariartornissamik aammalu pisuussutinik pitsaasumik atuinissamik anguniakkat anguneqarnissaannut kisermaassineq sakkusaaersooq eqqortoq akuersissummik tunniussilernerit tamaasa nalilerneqartassasoq Unammilleqatigiinnermut Nakkutilliisoqarfimmit pingaaruteqartutut ilaatigut isigineqarpoq. Ilaatigut taamaattoqarsinnaavoq attaveqaatinut il.il. annertuumik aningaasalersuinissaq pisariaqartillugu.
- Najugaqavissuunngitsunut, takornarianut akiliuteqanngitsunut nunami sumiiffimmi killilikkami akuersissummik tunniussisinnaaneq killilersorneqassasoq Qeqqata Inuussutissarsiornermut Siunnersuisoqatigiiffiata kissaatigaa aammalu sukisaarsaatigalugu aalisartunik aalisartitsinermit akuersissuteqartarnermut inatsimmi maleruagassat innersuussutigalugit.

Tusarniaanermut akissutinut oqaaseqaatit isumaliutissiisummut ilanngunneqarput.

4. Apeqqutit

Siunnersuummik suliarinninnerminut atugassamisut apeqqutit arlallit akineqarnissaannik ataatsimiititaliap Inuussutissarsiornermut Aatsitassarsiornermullu Naalakkersuisooq qinuigaa. Ataatsimiititaliap apeqqutaasa Naalakkersuisullu akissutaasa assilineri isumaliutissiisummut uunga **ilanngunneqarput**.

5. Ataatsimiititaliap siunnersuummik suliarinninnera

Takornariaqarnermik inuussutissarsiummut namminersortut pisariaqartumik aningaasaliinissaat qulakkeerumallugu namminersortut akuusut pitsaasunik sinaakutissaqartinneqarnissaat pisariaqartoq aammalu inuiaqatigiinni aningaasaqarneq eqqarsaatigalugu namminersortut aningaasaliissutaannut sinaakkusiussat patajaatsuunissaasa qulakkeerneqarnissaat naapertuuttoq nunatsinni takornariartitsinermut 2012-2015-imi periusissami allassimavoq.

Takornariaqarnermik ingerlatanut ungasissumut isigisumik aningaasalersuisinnaanissami akuersissuteqartarneq pillugu inatsisiliornissaq takornariaqarnermik ingerlataqartunut arlalinnut pisariaqarpoq. Nunami sumiiffimmi killilikkami aalajangersimasumi ingerlatassanik toqqakkanik ingerlatsinissamut piffissami killilikkami kisermaassisinnaanermut akuersissut aqutigalugit periarfissinneqassapput. Ingerlatanik taamaattunik pilersitsineq kaaviiartitat sulisullu amerlanerulernerannik qularnanngitsumik kinguneqassaaq, tamatumalu kingunerissallugu inuussutissarsiutip isertitaqarnerulenera, taamaalillunilu nunatta karsiata isertitaqarneranut peqataaqataalluni.

Ingerlatsinissamut akuersissummik pisariaqartitsineq nunatsinni takornariaqarnermt periusissaq malillugu pingaartumik suliassaqarfinnut sisamanut tunngassuteqarpoq:

1. *eqalunniarneq*
2. *tammajuitsussanik aallaaniarneq*
3. *qulimiguulimmik ornigunneqarluni sisorariartarnerit ("heliskiing")*
4. *inuilaarsuarmi akunnittarfiit illuaqqallu unnuisarfiit*
(*piniariarfinni*) (*lodges*) (*misigisassarsiornermi aallaarsimaarfiit*)
(*adventurecamps*)

Sukisaarsaatigalugu aalisartunik aalisartitsinermut akuersissuteqartarnermut inatsisip 2011-imi ukiakkut akuerissutigineqarneratigut eqalunniarnissamut akuersissuteqarfigineqarnissamut periarfissaq ammaanneqarpoq.

5.1 Akuersissuteqartarnerup atuutsinneqalernissaa pillugu

Takornariaqarnermik ingerlatsisut kisermaassillutik ingerlataqarsinnaanernannut akuersissutinik tunniussisarneq iluatsittumik ingerlanneqassappat pisariaqarpoq akuersissutit tamaattut nunatsinni innuttaasut sinnerisa pisinnaatitaaffiinut killiliinnginnissaat.

Nunatsinni pinngortitami angalaarsinnaaneq kikkut tamarmik piginnaatitaaffigaat, tamannalu siunissami akuersissuteqartarnermut inatsisikkut allanngortinneqassanngilaq. Nunatsinni aalajangersimasumik najugaqarlutik innuttaasut tamanna pillugu nunatsinni inatsit atuuttoq naapertorlugu piniarsinnaallutillu aalisariarsinnaajuassapput. Piginnaatitaaffinnut

taakkununga inatsisissatut siunnersuut ataatsimiititaliap paasinninnera malillugu annikillisisingilaq.

Nunatsinni takornariaqarnermik inuussutissarsiutip inerisarneqarnissaanut peqataaqataanissamik aammalu takornarianut niuerutitik tunisaqarnerup siuarsarneqarnissaanik inatsisissatut siunnersuutikkut pingaarnertut siunertaq tapersersornartutut ataatsimiititaliamit isigineqarpoq, taamaattumillu isumaqarluni takornariartitsinermut akuersissuteqartarnissaq pillugu inatsimmik akuersissutiginninnissaq siumut isigisumik pitsaasumillu iliuuseqarnerusoq. Minnerunngitsumik takornariaqarnermut ingerlatanut, nunami sumiiffinnut aalajangersimasunut akuersissuteqarfigineqarnissamik imaluunniit assersuutigalugu illutanut attaveqaatinullu annertuumik aningaasaliissuteqarnissamik pisariaqartitsiviusunut, akuersissuteqarsinnaaneq aningaasaliinernut pisariaqartunut aningaasaliisup qulakkeerinniffigineqarneranut peqataaqataasinnaasoq, tamatumalu peqatigisaanik takornariaqarnermut tunngasuni annertunerusumik iliuuseqarnissamut aningaasaliissuteqarnissamullu kajumissaataasinnaasoq ataatsimiititaliaq isumaqarpoq.

5.2 Inatsisissatut siunnersuummi piginnaatitsissutit

Taama siamasitsigisumik ilusiligaanini malillugu inatsisissatut siunnersuut takornariaqarnermik ingerlatanut suugaluartunulluunniit, pisuttuarnernit annikitsunit qaqqamiluunniit qimussernernit imaluunniit inuilaarsuarmi akunnittarfinni akisoorsuarni immikkut sananeqarsimasuni najugaqarnermut, akuersissuteqarnissamut periarfissiivoq. Ataatsimiititaliaq isumaqarpoq nunaminertanik ingerlatassanillu aalajangersaanissamut inatsisissatut siunnersuummi piginnaatitsissutikkut taamaallaat takornariaqarnermik inuussutissarsiuteqarnermi iliuutsit ingerlatallu annertunerusut kisimik pineqanngitsut, aammali ima annertutigisoq takornariaqarnermut periusissami aallaqqaammut eqqarsaataasimasut qaangerujussuarlugit.

Akuersissutitik tunniussisarnermik aqutsinermi kikkut tamarmik piginnaatitaaffiattut najukkani innuttaasut isiginninnerannut naapertuutinnngitsumik tunniussisoqartannginnissaa Naalakkersuisut qulakkiissagaat aammalu nunatsinni pinngortitami nunatsinni innuttaasut angalaarnissaannut akuersissutip killiinnnginnissaa, soorluttaaq nunatsinni aalajangersimasumik najugaqarlutik innuttaasut tamanna pillugu nunatsinni inatsit atuuttoq naapertorlugu piniarsinnaajuarlutillu aalisariarsinnaajuarnissaat ataatsimiititaliamit pingaartutut isigineqarpoq. Nunaminertat ingerlatallu sorliit akuersissuteqarfigisassatut neqerooruteqarfigineqassanersut pilersaarusiormut oqartussaasup susassaqartup siullermik aalajangersaaffigisassaraa, tamatumalu kingorna akuersissummik inaarutaasumik tunniussisoqassanersooq Naalakkersuisunit aalajangiiffigineqartussaavoq. Suliassanik taama agguataarineq isumatuutut ataatsimiititaliamit isigineqarpoq, tassa taamaaliornikkut inatsisip nunami tamarmi assigiimmik aqutsivigineqarnissaa qulakkeerneqarsinnaammat, tamatumalu

peqatigisaanik najukkani suut akuersissuteqarfigineqarnissaat kissaatigineqarnersut kommuninit ataasiakkaanit aalajangiiffigineqarsinnaalluni.

5.2.1. Akuersissuteqartarnermi killiliussat

Takornariaqarnermi ingerlatanut annikitsunut, soorlu pisuttuarnernut imaluunniit qaqqami qimussernernut, akuersissummik pissarsisoqarsinnaassanngitsoq ataatsimiititaliaq aamma isumaqarpoq. Tassa ingerlatat aningaasaliissuteqarujussuanngikkaluarluni najukkani takornariaqartitsisartunit ajornanngitsumik ingerlanneqarsinnaasut.

Qeqqata Inuusutissarsiutitut Siunnersoqatigiiffiata, Kommuneqarfik Sermersuup aamma Visit Greenlandip tusarniaanermut akissutaannut oqaaseqaateqarnermi Naalakkersuisut inatsisissatut siunnersuummut nalinginnaasumik nassuiaatini allapput ”Immikkoortortamut angalaarnivik suliamik akuersissummik illersukkamik imaqarsinnaanngilaq”, aammalu ataatsimiititaliap apeqqutaanut 1.-imut Naalakkersuisup paasissutissiissutigaa pisuttuarnert imaluunniit qaqqami qimussernerit akuersissummumut ilanngunneqarnissaat ajornakusuussasoq, tassa ingerlatat taakku aallaavittut isigalugu annertuumik aningaasaliiffigineqaaqartariaqanngimmata. Taamatut nalunaaruteqarneq isumatusaarnerullunilu eqqarsaatigilluugaasutut ataatsimiititaliamit isigineqarpoq, taamatullu nalunaaruteqarneq aallaavigalugu inatsit nalinginnaasumik aqutsivigineqassasoq ataatsimiititaliamit naatsorsuutigineqarpoq.

5.3 Akuersissuteqartarnerup avatangiisinut tunngasortai

Akuersissutinik tunniussinermut aammalu ingerlatanut akuersissuteqarfiusunut tunngatillugu ingerlatat avatangiisinut sunniutigisinnaasaanik annikillisaanissap eqqumaffigineqarnissaa aammalu tamanna pillugu akuersissummik piginnittunut akuersissummi piumasaaqateqarnissaq ataatsimiititaliamit pingaartinneqarpoq, soorluttaaq akuersissutip atorunnaarnerata kingorna nunap sumiiffiup ileqqussaatur ileqqinnissaanut piumasaaqateqartoqartariaqartoq. Kiisalu akuersissut akuersissummi piumasaaqatit naapertorlugit atorneqanngippat tamatuma kingunerisassaasa akuersissummi paasissutissiissutigineqarnissaat ataatsimiititaliamit pingaartinneqarpoq.

Nakkutilliineq pillugu nalunaarusianik Naalakkersuisut misissuinerannut atatillugu taakku kommunip pineqartup pilersaarusiornermut oqartussaasuanut ilisimatitsissutitut nassiunneqarnissaat naleqquttuusutut ataatsimiititaliamit isigineqarpoq, taamaaliornikkut ingerlatat nunaminertamik akuersissuteqarfigisimasaminut tunngasut ineriartornerannut taanna malinnaasinnaaqullugu.

Nunami sumiiffiup akuersissuteqarfiup inunnut arlalinnut tunniunneqarsinnaaneranut periarfissat pillugit Naalakkersuisut akissutaat kiisaluunami sumiiffimmi akuersissuteqarfiusimasumi aatsitassarsiornissamut periarfissaqartoq paasineqarpat

iliuserisinnaasatut periarfissat pillugit Naalakkersuisut akissutaat ataatsimiititaliamit maluginiarneqarput.

5.4 Inatsisinut allanut tunngasut

Ilaatigut piffissaliussanut nalunaaruteqarnissanullu inatsisissatut siunnersuummi aalajangersakkat sukisaarsaatigalugu aalisartunik aalisartitsinermut akuersissuteqartarnermut inatsimmi aalajangersakkat taamaaqataannut Naalakkersuisut ataqatigiissaarsimangimmatigit naapertuutinningsutut ataatsimiititaliamit isigineqarpoq. Inatsimmik iluarsaanissami aggersumi inatsisini taakkunani aalajangersakkat ataqatigiissaarneqarnissaat Naalakkersuisunut ataatsimiititaliamit kaammattuutigineqarpoq, tamaaliornikkut maleruagassat assigiinneruleqqullugit.

Ataatsimiititaliaq isumaqarpoq, innuttaasut Kalaallit Nunaanni/nnut najugartut aammalu attuumassuteqartut taamaallaat akuersissummik pinissaminnut periarfissaqarnissaat pingaaruteqartoq. Ataatsimiititaliaq tamatumunnga atatillugu isumaqarpoq pineqartup akuersissummik tunineqassaguni Kalaallit Nunaanni inuit allattorsimaffianni ukiuni marlunni amerlanerusuniluunniit nalunaarsorsimasariaqarneranik apeqqut inatsisip iluarsaanissaanut kinguartinneqassasoq, tassa ataatsimiititaliaq isumaqarmat najugaqarnissamik piumasaaqat inatsisini pineqartuni marlunni assigiittariaqartoq. Kiisalu takornariat akiliuteqanngitsut nunami sumiiffimmi akuersissuteqarfigineqartumi angalaarnissaasa killeqartinneqarnissaat pillugu apeqqut inatsisip iluarsaanissaanut ataatsimiititaliap innersuukkusuppaa, tassa maleruagassanik pineqartunik taamaatut atuutilersitsinissaq paasinarsissagaluarpas.

Ataatsimiititaliap apeqqusiaanut 11-imut Naalakkersuisut akissutaat ataatsimiititaliap maluginiarpa, akissutigineqartorlu imatut paasillugu, tassalu akuersissuteqarnermik nalunaaruteqarneq utertinneqarsinnaanngitsoq, akuersissuteqartarnermi aalajangersakkat tamatumuuna akuersissummik piginnittumit malinneqarsimatillugit. Pissutsit allat patsisigalugit akuersissutip utertinneqarnissaa pisariaqalissagaluarpas, assersuutigalugu aatsitassarsiornissaq aatsitassarsiornissamut akuersissutip tunniunneqartup saniatigut ingerlanneqarsinnaanngippas, taava akuersissummik utertitseqqusineq taamaallaat nammineerluni isumaqatigiissuteqarnikkut pisinnaassaaq, imaluunniit periarfissatut pisortatigut pinngitsaaliissummik taarsiissuteqartitsineq atorlugu, tamatumuuma malittarisassat atuutsinneqartut naapertorlugit.

6. Siunnersuutip aningaasatigut kingunerisassai

Siunnersuutip piviusunngortinneqarneratigut aningaasatigut kingunerisassat siunnersuummut nalinginnaasumik nassuiaatini nassuiaatigineqarput. Kommuninut aningaasatigut kingunerisassat nalinginnaasumik nassuiaatini toqqaannartumik taasaqarfigineqanngitsut ataatsimiititaliamit maluginiarneqarpoq. Nunamili sumiiffinni takornariatitsinermut akuersissuteqarfigineqartussat kissaatigineqartuni ingerlatassat pilersaarusiortfigineqarnissaannut aalajangersaavigineqarnissaannullu atatillugu kommunini

pilersaarusiornermut oqartussaasut ataasiakkaat aningaasartuuteqarnissartik naatsorsuutigisariaqarpaat. Inatsisissatut siunnersuummi § 26 naapertorlugu suliamik ingerlatsinermut atatillugu aningaasartuutunik akiliuteqartussaq tassaavoq piginnaatitsissummik piginnittoq. Pagrafimulli tassunga nassuiaatini erseqqissumik allassimanngilaq tamanna kommuninni aningaasartuutigineqartunut aamma atuunnersoq. Inatsisissatut siunnersuummi § 16-imut, qulequtaq naapertorlugu Namminersorlutik Oqartussanut oqartussanulluunniit allanut akiliutinut tunngasumut nassuiaammi allassimavoq paragrafi taanna Namminersorlutik Oqartussanut oqartussanulluunniit allanut akiliutinut tunngasoq. Tassunga atatillugu ataatsimiititaliap apeqqutaanut 17-imut Naalakkersuisut akissutaat ataatsimiititaliamit maluginiarneqarpoq, tassani allassimalluni oqartussaasut suliarinninnerinut kommunimit ingerlanneqartunut aningaasartuutit kisimik utertitsissutigineqarsinnaasut.

Inatsisissatut siunnersuummi § 25-imut nassuiaammi, Naalakkersuisut nakkutilliinerannut tunngasumi, allassimavoq Inatsisartut inatsisaanni ilaatinneqartunut tamanut, taakkununggalu ilanngullugit takornariartitsinermik ingerlatat pissutsillu aamma illuutit sanaartukkallu, angalatitsisartut, suleqatigiinnissamut isumaqatigiissutit il.il., Naalakkersuisut annertuumik nakkutillivigisussaagaat. Nakkutilliinissamik pisussaaffik taanna annertoorujussuartut ataatsimiititaliamit isigineqarpoq, tamatumalu peqatigisaanik akuersissutinik nalunaarutiginninnermut, naliliinermut tunniussinermullu atatillugu sulinermut piffissamik atuisoqassalluni. Inatsisissatut siunnersuutip kingunerisaanik allaffissornermut aningaasartuutissat A/C-fuldmægtigit piffissap affaani atorfimmik naleqartut tagginneqarput. Tassunga atatillugu siunnersuutip § 26-ia naapertorlugu oqartussaasutgut suliarinninnermut atatillugu aningaasartuutit utertitsissutigineqarsinnaanerannut periarfissaqartoq ataatsimiititaliamit arajutsisimaneqanngilaq.

Naggasiullugu siunnersuutip aningaasatigut nassatarisai Naalakkersuisunit sukumiisumik misissorneqarsimassasut ataatsimiititaliamit naatsorsuutigineqarpoq, taamaaliornikkut aningaasartuutissatut missingerneqartut atugassiissutigineqartut iluini aningaasartuutigineqarsinnaaqqullugit. Inatsisip taassuma aqutsivigineqarneranut naatsorsuutiginnisamik aningaasanik amerlanerusunik pisariaqartitsisoqartoq paasinarsissagaluarpat, aningaasartuutit taakku Naalakkersuisoqarfimmut aningaasaliissutit iluini, immaqa ingerlatanik allanik pingaannginnerusunngortitsinikkut, aningaasalersorneqarnissaat ataatsimiititaliamit naatsorsuutigineqarpoq.

Ataatsimiititaliap isumaqatigiittup inatsisissatut siunnersuut ilusimisut isikkoqartillugu akuerineqarnissaa **inassuteqaatigaa.**



Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.






Siulittaasup tullia



Siulittaasoq



p.v.g. 



Inuussutissarsiornermut Ataatsimiititaliaq
/MAANI

UKA 2012/107 "Sumiiffinni nunami aalajangersimasuni takornariatitsiner-
mut akuersissuteqartarnissaq pillugu Inatsisartut inatsisaat nr. xx,yy 2012-imeersoq"-
mut apeqquaqaatit pillugit.

Naalakkersuisut sinnerlugit apeqqutinut tiguneqartunut qujavunga matumuunalu
akissuteqarfigissallugit.

*1) Sumiiffimmi aalajangersimasumi pisuttuartitsinernik imaluunniit qimussimik
angalaartitsinernik aaqqissuussinerit inatsit malillugu inummit ataatsimit
ingerlatseqatigiiffimmilluunniit akuersissuteqarfigineqarsinnaappat,
taamaalillunilu piffimmi pineqartumi allat pisuttuartitsinernik/qimussimik
angalaartitsinernik akilerneqarlutik aaqqissuussinissamut mattunneqarlutik?*

Siunnersuut inatsisitut sinaakkusiisutut inississorneqarpoq, taamaalillutik as-
sersuutitut taaneqartut siunnersuummi periusissiatigut ilanngunneqarsinnaalluar-
lutik.

Taamaattorli pisuttuarnerit imaluunniit qimussernerit akuersissummut ilanngun-
neqarsinnaassanerit piviusutigut qanoq pissanerit takorlooruminaapput. Suliat
taakku arlaannaalluunniit aallaavimmikkut annertuunik aningaasaliisoqarnis-
saanik tunngavissaqartitsinngillat.

Siunnersuummut nassuiaatini allassimavoq: "Siunnersuummut pingaarnertut
anguniagaq tassaavoq ungasissumut ineriartortitsinissamut sinaakkusiinissaq,
tassani takornariaqarnermik suliaqartut inuussutissarsiummi pisariaqartitatut
namminersuutitut aningaasaliinernik suliaqarlutik, taakkunatigullu sulianik an-
nertunernik aamma najugaqarfimmi siuarsarnermik pilersitsillutik. Taamaalil-
luni sumiiffinni erseqqinnerusumik killilersukkatut toqqartukkani takornariaqar-
nermik inuussutissarsiorfusumi annertunertut iliuutsinik suliaqarnikkut siun-
nersuut tunngasuuvog."

Taamaalilluni akuersissummik pissarsisinnaassagaanni aallaaviatigut tunngavi-
ussaag tamanna ilutigalugu arlalinnik aningaasaliisoqarnissaa.

*2) Sumiiffimmi aalajangersimasumi arfernik takuniaatitsilluni imaluunniit
kangerlunni iigartartunik sermilimmi angallammik angalaartitsinernik
aaqqissuussinerit inatsit malillugu inummit ataatsimit
ingerlatseqatigiiffimmilluunniit akuersissuteqarfigineqarsinnaappat,*

30. oktober 2012
Sagsnr. 2011-059598

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isln@nanoq.gl
www.nanoq.gl

taamaalillunilu piffimmi pineqartumi allat taamatut angalaartitsinermik akilernerqarlutik aaqqissuussinissamut mattunneqarlutik?

Siunnersuutip taaguutaatigut siunnersuut nunami sumiiffinnit toqqartukkanik akuersissuteqartarnermik aalajangersaanissaannarmik siunertaqartoq taku-neqarsinnaavoq. Inatsisissatut siunnersuut imatut taaguuteqarpoq: Sumiiffinni nunami aalajangersimasuni takornariartitsinermut akuersissuteqartarnissaq pil-lugu Inatsisartut inatsisaat nr. xx, xx.xx 2012-imeersoq”.

Naalakkersuisut sinnerlugit apeqqutinut tiguneqartunut qujavunga matumuunalu akissuteqarfigissallugit.

3) § 4, imm. 2-mut aamma § 18, imm. 1-imut nassuiaatini akuersissuteqarnissamut piumasaqaatit aamma akuerineqarnermi piumasaqaatit eqqartorneqarput. Taakku suna assigiinngissutigaa?

Tamarnik akuersissuteqarnermut, taassuminngalu naammassinissaanut suliniutit ingerlannerannut attuumassuteqartutut piumasaqaataapput. Assigiinngissutaat tassaavoq akuersissuteqarnermut piumasaqaatit akuersissuterpiamik nalunaaruteqarnermut atatillugu saqqummissuussammata, siunnersuummi § 7 naapertorlugu tasaanerussapput nalinginnaasumik piumasaqaataasut. Siunnersuummi § 17 naapertorlugu akuerineqarnermi piumasaqaatini pineqarput ingerlatassanik pilersaarutaasup akuersissutigineranut atatillugu Naalakkersuisut aalajangersagaasigut piumasaqaatit, taakkulu tasaanerussapput ingerlatassamut tunngatillugu piviusutut piumasaqaataasut.

4) § 8, imm. 2-mi allassimavoq: ” Tamatumunnga tunngavigineqarpoq suliffeqarfii arlaqartut peqataatinnerisigut unammilleqatigiisittarnissaat kissaatigineqarmat”. Suliffeqarfinnut inummit ataatsimit pigineqartunut sanilliullugit ingerlatseqatigiiffiit akuutinneqarnissaasa immikkut kissaatigineqarneranut suna tunngaviuva?

Suliffeqarfinnik imaluunniit inunnik ataasiakkaanik siunnersuut immikkoortitsinngilaq. Immikkoortortami neqeroortigineqartunik tassungalu qinnuteqaatigisanik sapinngisamik amerlanerpaat ilisimasaqarnissaat nassuiaammii paasineqarniagassaavoq. Taamaaliilluni oqaatsit allassimanerat inuit ataasiakkaat suliffeqarfiinut naleqqiullutik ingerlatseqatigiiffiit iluaquteqarnerunissaannik takussutissaanngilaq.

5) Sukisaarsaatigalugu aalisartunik aalisartitsinermut akuersissuteqartarneq pillugu inatsimmi sapaatip akunneranik arfinilinnik piffissaliussinerup assinganik piffissaliussinani § 8, imm. 2-mi ullunik 45-nik piffissaliussinermut suna tunngavilersuutaava? Inatsisini taakkunanani marlunni piffissaliussat assigiippata atuisunut immaqa naleqqunnerussagalarpoq?

Minnerpaamik ullunik 45-nik piffissaliussineq tulluurtutut isigineqarpoq, tassaallunilu pineqartumit sap. akunnerinik arfinilinnik piffissaliussinermut naleqqiulluni ullunik pingasunik sivilunerusoq. Neqeroortitsinerni annertunerusuni piffissaliussaq sivitsorneqarsinnaavoq, taannali tamatigut

minnerpaamik ullunik 45-nik sivisussuseqartassaaq. Ataatsimiititaliaq tamatuminnga innersuussissappat piffissaliussap sivitsornissaanut Naalakkersuisut piareersimapput.

6) § 8, imm. 2-mi allassimavoq tamanut saqqummiussineq Naalakkersuisut nittartagaatigut allatigulluunnit, soorlu tusagassiuutitigut pissasoq. § 8, imm. 3-mut nassuiaatini allassimavoq Naalakkersuisut nittartagaatigut imaluunnit tusagassiuutit assigisaallu aqutigalugit tamanut saqqummiussineq pissasoq. Tamanna ima paasineqassava imm. 3 malillugu qinigassaqartoq, taamaassimappallu sooq?

Siunnersuummi § 8, imm. 2, 2. pkt.-imi allassimavoq "Qinnuteqartoq aqquusilluni nalunaaruteqarneq, qinnuteqarnissamut piffissaliussaq ikinnerpaamik ullunik 45-nik siqqutsisumik Naalakkersuisut nittartagaatigut allatulluunnit Naalakkersuisut tamanut saqqummiutissavaat." Nalunaaruteqarnerup tamatigut Naalakkersuisut nittartagaatigut, kiisalu allatut tamanut saqqummiunneqartarnissaanik tamanna isumaqarpoq. Taamaalilluni allatut pineranut tunngatillugu toqqaasoqarsinnaavoq, periutsillu sorliup toqqaarneqarneranut sapinngisamik amerlanerpaanik qinnuteqaatinik pissarsiniarnermut naleqqiullugu suna tulluarnepaanersutut isiginninninnermit aalajangerneqassaaq.

7) Sukisaarsaatigalugu aalisartunik aalisartitsinermut akuersissummik qinnuteqartarneq assigalugu nalunaaruteqarnissap piumasaqaatiginissaata toqqaarneqarsimanninneranut suna tunngaviuva?

Qinnuteqaateqaqqusinerup tamanut saqqummiunniissaanut periusissamut tunngatillugu eqaassuseqarnissap tulluurtuunissaa Naalakkersuisut nalilersimavaat, taamaalilluni neqeroorutinut ataasiakkaanut tunngasuutitsisoqarsinnaammat. Ataatsimiititaliamit tamanna innersuussutigineqassappat najoqqutassianik iluarsiinissaminnut Naalakkersuisut piareersimapput.

8) § 8, imm. 4-mut nassuiaatini allassimavoq: "Tamakkulu saniatigut inatsisitigut sunniutissanik sunilluunnit imaqaasanani". Tamatumani suna pineqarpa? Pilersaarusiornermut oqartussaasoq "aap"-imik akiguni sumiiffiup qinnuteqaatigineqartup takornariartitsinermut atugassiissutigineqarnissaanut pisussaaffeqalissanninnami?

Pilersaarusiornermut oqartussaasup saaffiginnissut akuersaarlugu akissuteqarfigiguniuk pilersaarusiornermut oqartussaasoq pitsaasumik suliamik isumaginnittarnermik ileqqoq pillugu nalinginnaasumik malittarisassat naapertorlugit immikkoortortamik pilersaarusiornernut aallartinnissaanut pisussaaffeqassaaq.

9) § 16 naapertorlugu akiliuteqarnissaq pillugu aalajangersagaliortoqarsinnaavoq. Akiliutit qanoq annertussuseqarnissaat qaqugu nalunaarutigineqassappat? Tamannalu ima siusitsigisukkut pissava

qinnuteqartup qinnuteqaammik nassiussinerminut atatillugu ingerlatsinermut missingersuutissaminik suliaqarnerminut taakku ilanngussinnaannorlugit?

Akiliutit pillugit aalajangersakkat § 8 naapertorlugu qinnuteqaateqaqqusineranut atatillugu kingusinnerpaamik nalunaarutigineqassapput.

10) § 17 naapertorlugu ingerlatat aallartinneqannginneranni ingerlataqarnissamut pilersaarut akuerineqaqqaarsimassaaq. Taanna akuersissummik tunniussinermit akuerineqarsimasariaqanngila?

Ingerlatassanut pilersaarutaagallartup akuersissummik nalunaaruteqarnissaaq pillugu qinnuteqaammut ilanngullugu piviusutigut pisassasooq naatsorsuutigineqarpoq. Taamaattorli pissutsit najoqqutaralugit immikkut ittumik ingerlatassanut pilersaarusiaq annertoorsuarnik imaqarsinnaammat, suliarineqarneralu akisusinnaalluni akuersissummik nalunaaruteqarneq sioqqullugu taamatut ittumik suliaqarnissamik piomasaaqateqartoqartariaqanngilaq. Akuersissuteqarnermit piomasaaqatit tamatuma kingornatigut ingerlatassanut pilersaarutip inaarutaasumik tunniunneqarnissaanut piffissaliussamik imaqassaaq.

11) § 21-imut nassuiaatit naggataanni allassimavoq: "imaluunniit siunnersuut malillugu akuersissummik tunniunneqartumut piomasaaqatit atorunnaarpata". Inatsit malillugu akuersissummik tunniunneqartumut piomasaaqatit atorunnaarpata akuersissummik utertitsineq piginnaatitsissummik pigisaqartup Naalakkersuisunut/pilersaarusiornermut oqartussaasumut taarsiissuteqaqqusisnaaananut periarfissiiva? Akuersissummik tunniunneqartumut piomasaaqatit pillugit pissutsit piginnaatitsissummik piginnittumut tunnganatik akuersissummik tunniussinermit oqartussaasumut tunngasutut paasineqartariaqarput. Nassuiaammi assersuutigalugu eqqarsaatigineqartoq tassaanerluni sumiiffimmi aatsitassat ima annertutigisut pigineqartut paasineqarpat niuernikkut iluanaarniutigineqarsinnaallutik akuersissutip tunniunneqarsimasup utertinneqarsinnaanera?

Namminersorlutik Oqartussanut taarsiissuteqaqqusinermit akisussaaffeqarnermit nassataqartitsisnaannagisaannarpoq pisinnaatitaaffeqartoq akuersissummik nalunaaruteqarnermit piomasaaqatinik naapertuutsitsisnaajunnaarnerata nassatarisaanik akuersissummik utertitsisoqaraangat. Siunnersuummi toqqaannartumik nalunaarsukkatut piomasaaqatinut tunngatillugu oqaasertaliinerit tunngapput, taamaalilluni ingerlatseqatigiiffiup pisuussutigisaminik tamakkiisumik piginnittussaaffeqarnera siunnersuummi § 15, imm. 1, nr. 2, innersuussutigalugu § 15, imm. 3 naapertorlugit piomasaaqaataavoq. Ingerlatseqatigiiffik akiliisnaajunnaarpat tamatuma kingornatigut akuersissutip nalunaarutigineqarneranut piomasaaqat atuukkunnaassaaq, akuersissullu uterteqqinneqarsinnaalluni.

Akuersissut nalunaarutaasooq uterteqqinneqarsinnaanngilaq sumiiffimmi aatsitassanik aningaasarsuutigalugit atorneqarsinnaasut pigineqassappata. Pisinnaatitaaffiit taakku marluk sanileriititut atuussinnaassapput, tamannali

pisinnaangippat akuersissutip atorunnaarsinaanera pisinnaatitaaffimmik pinngitsaalisamik piginnikkunnaartitsinermik tunngaveqassaaq, tamannalu Namminersorlutik Oqartussanut taarsiissuteqaqqusissummut pisussaaffeqarnissamik nassataqassaaq.

12) § 23, imm. 2 pillugu. Takornariat aallarunneqartariaqarlersut pillugu peqqinnissaqarfimmik isumaqatigiissuteqarnissamut periarfissaqarpa? Aammalu tamanna pillugu Naalakkersuisoqarfik tusarniarneqarsimava?

Ataani akissutigineqartut Peqqissutsimut Naalakkersuisoqarfimmit pissarsiarineqarput:

Peqqissutsimik suliaassanik kinguartinneqarsinnaangitsumik pisariaqartitsinerni nunami inuit qimagussuisitsineq peqqinnissaqarfiup akisussaaffigai, annaassiniarnerli aamma ilaassappat tamanna politiit suliaassarissavaat. Napparsimaleriasaartoq imartamiippat nunamut qanittutut imartani politiit suliaassaraat, nunamut ungasissutut imartaniikkuni SAR-imik upalungaarsimaffiup suliaassaralugu. Sullississutinik pilersuineq pillugu isumaqatigiissuteqartarnermut nalinginnaasumik inatsisitigut najoqqutassaq peqqissutsimut peqqussummi ippoq, tamannalu qimagussuititsinermut tunngatillugu atugaasarpooq, peqqinnissaqarfik angallatitigut imaluunniit timmisartutigut qimagussuisitsinissamut nammineq atortussaateqanngimmat. Peqqinnissaqarfiup aningaasaliissutimi 7 %-iisa missaat napparsimasut angallannerinut atortarpei, immikkullu qimassuisitsinerit il.il. aningaasartuuteqarfiusupilussuupput. Taamaalillutik peqqinnissaqarfik inunnik Kalaallit Nunaanni najugaqartuunngitsunik qimagussuisitsinernut, aammattaarlu taakkunani peqataasut namminneq atugassamittut tigusaqarnerannik, taamaalillutillu akuerisimasaminnik aarleqqutaasumik patsiseqartunut aningaasartuutinut sapinngisamik akiliisussaatisannginnerannik Naalakkersuisut isumaqarput.

Immikkoortumut peqqinnissaqarfik assut ilisimasaqartuuvoq, tamatigullu peqqinnissaqarfimmi sullissiviit arlaannut qimagussuisitsisoqassappat pissutsinik tamatigut ikiuuttarusuppoq. Taamaattumik siunnersuutigineqarpoq peqqinnissaqarfiup akilerneqarluni qimagussuisitsisarnissaa, imaluunniit pisinnaatitaaffeqartup nammineq qimagussuisitsisarnissamik isumannaarinissaaq. Akiliinissamik pisussaaffeqarfimmi uniffigalugu isumassorfissap tikinnissaanut akiliisarnissap ilaatinnissaa erseqqissarneqassaaq, taamaalilluni napparsimasumik Kalaallit Nunaanni peqqinnissaqarfiup sullissiviisa akornanni nuussisarnernik ilaqassalluni, imaluunniit nunani allani isumaginnittarfimmut, taamatut nuussisoqarnissaq napparsimasut isumassorneqarnissamik pisariaqarnera najugaqarfisami isumagineqarsinnaannginneranik tunngavissiissutigineqassappat.

13) § 26 pillugu. Assersuutigalugu Ittoqqortoormiit eqqaanni illuaqqanut marlunnut assersuutigalugu qimussertitsinermut akuersissummut atatillugu suliap suliarineqarneranut piginnaatitsissummik piginnittoq qanoq akiliuteqassasoq Naalakkersuisunit naatsorsuutigineqarpa?

Apeqquut 1-imik akissuteqarnek naapertorlugu assersuut taaneqartoq akuersissuteqarnissamut najoqqutarineqarsinnaanaviangilaq. Sulianik isumaginninnermut aningaasartuutunik akiliineq aningaasartuutitut piviusunut naleqqutissaq. Taamaattumik nal. akunnerinik atuinernik akiliutissaq assut tunngaveqartinneqassaaq, qinnuteqaatillu ilalersorsimaneqartiginera malitsigalugu soorunami qaffasinnerussalluni. Nal. akunneranut akigititaq naatsorsorneqassaaq, suliffigisallu iluani kukknersuisartumit akuersissutigineqassalluni.

14) § 25-imut nassuiaatini allassimavoq nakkutilliinissaq annertusoq. Taamatut nakkutilliineq kimit ingerlanneqassava siulianilu assersuummut tunngatillugu qanoq akulikitsigisumik assersuutigalugu ingerlanneqartassava?

Nakkutilliinissaq pillugu siunnersuummi aalajangersakkat immikkoortortamit nakkutilliinermut, pisuni tamani atuuttoqartillugu suliamik isumaginnittoqarfittut oqartussaasoqarfimmut suliarineqartussamut naleqqiullugu annertunerusariaqangilaq. Suliaqartussatut oqartussaaffimmi Naalakkersuisut toqqarsimasaanni nakkutilliineq piviusutigut isumagineqartassaaq. Oqaatigineqartutut illuaqqanut qimussimik angalaartarnernut akuersissummik nalunaaruteqartoqartarnaviangilaq. Assersuutaasorli aallaavigalugu nakkutilliineq pingaarnertullugu tassaassaaq nalunaarusianik atuaaneq, tamatuma saniatigut summiffimmik timalittut nakkutilliineq, assersuutigalugu saliinerup nakkutigineqarnissaata siunertarinera naammassajunnarsivoq.

15) § 25 pillugu. Ingerlatassamut apeqquut 13-imi taaneqartumut atatillugu ingerlaavartumik nakkutilliinermut piginnaatitsissummik pigisaqartoq qanoq akiliuteqartassasoq Naalakkersuisunit naatsorsuutigineqarpa?

Angalasoqarneranut, kiisalu nakkutilliinermik inummut imaluunniit inunnut isumagisaqartunut aningaasarsianut akiliisoqartussaasassaaq.

16) Nakkutilliinikkut pinngitsoortinneqarsinnaagaluartumik ajutoortoqarpat nakkutilliinissamik pisussaaffimmik annertuumik sumiginnaaneq Naalakkersuisut taarsiissuteqartussaataitanerannik kinguneqarsinnaava?

Taarsiissuteqartussaataitanermik akisussaaffeqartoqassappat akisussaaffigisassamut tunngavissaqartariaqarpoq. Ingerlassassat il.il. isumannaatumik aaqquisuusaanissaannut aallaaviatigut pisinnaatitaaffeqartoq akisussaaffeqarpoq. Namminersorlutik Oqartussat taamaallaat taarsiissuteqartussaataitaassapput nakkutilliisoqarfiup pisinnaatitaaffeqartoq ajutoornermik nassataqartumik suliaqassasutut peqqusimappagu. Aallaaviatigut nakkutilliisoqanginneq imaluunniit naammangitsumik nakkutilliineq

Namminersorlutik Oqartussat taarsiissuteqartussaaitaanerannik nassataqartitsisinnaanngilaq.

17) § 26-imut nassuiaatini ima allassimavoq: Aningaasartuutit suulluunniit sullinneqarnermi akiliutitut, imaluunniit aningaasartuutitik utertitsinertut akilertinniarneqarsinnaapput, sullissinerit Naalakkersuisunit tunniunneqartunut akiliutit naammattutut amerlassuseqassappata. Kommunitit sullissineq tunniunneqarpat utertitsinissap mattunneqarnera nassuiaatip taassuma kingunerissavaa?

Nassuiaataasup kommunimit suliarineqartutut oqartussaaffimmik sulinermit aningaasartuutit taarsiivigineqarnissaannik matussusiinngilaq, siunnersuulli naapertorlugu Naalakkersuit pingaarnertut suliassaqartuunerat nalunaarlugu.

18) § 28, imm. 1-mi nr. 2 naapertorlugu akuersissummi piumasagaatinik imaluunniit akuersissummi piumasagaatinik unioqquitsineq akiliisitsissutaasinnaavoq. Taamatut immikkoortitsineri suna eqqarsaatigineqarpa?

§ 28, imm. 1, nr. 2 aalajangersarpari akiliisitsissuteqartoqarsinnaasoq 1) inatsisartut inatsisaat naapertorlugu akuersissummik nalunaarutaasumut piumasagaatinik unioqquitsisoqarnermut, 2) inatsisartut inatsisaat naapertorlugu malittarisassianik aalajangersakkanik imaluunniit 3) akuersissuteqarnermut piumasagaatinik unioqquitsisoqarnermut. Taamaalilluni siunnersuummi (inatsisartut inatsisaanni) § 18, imm. 1 naapertorlugu akuersissutaasumi ilaatitatut ingerlassat pillugit pisinnaatitaaffeqartup akuttoqatigiissaartumik nalunaarusianik nassiussisarnissaa akuersissuteqarnermut piumasagaataavoq. Taama ittumik nassiussisoqartannginneq, tamatuminnga eqqaasitsissutaasinnaasup kingorna pisinnaasoq tassaassaaq 1-imik unioqquitsineq.

§ 18, imm. 2 naapertorlugu pisinnaatitaaffeqartup nalunaarusianik nassiussaqaartarnissaa aammalu paasissutissaasinnaasunik nalunaaruteqartarnissaa pillugu Naalakkersuisut erseqqinnerusumik malittarisassianik akuersissummilu piumasagaatinik aalajangersaasinnaapput. Immikkut ittunik paasissutissat, takornariartitsissutip qanoq ittuunera apeqqutaatillugu nalunaaruteqartartussat pillugit malittarisassianik (piumasagaatinik Naalakkersuisut nalunaarummi aalajangersaasinnaapput, taakkuninngalu unioqquitsinerit tassaassapput 2-mik unioqquitsinerit. Taamatuttaaq siunnersuummi § 7 aamma § 18, imm. 2 naapertorlugit akuersissummi nalunaarutigineqarsimasumi piumasagaatinik Naalakkersuisut aalajangersaasinnaapput, taakkuninngalu unioqquitsinerit 3-mik unioqquitsinerussapput.

19) § 28, imm. 1 nr. 2-mi aamma § 28, imm. 2-mi aalajangersakkat assigiittut oqaatigineqarsinnaasut ilanngunneqarnerannut suna tunngavilersuutaava?

§ 28, imm. 1, nr. 2-mi pineqarput piumasagaatit, toqqaannartumik akiliisitsissuteqarfiusinnaasut.

§ 28, imm. 2 tassaavoq tassani malittarisassiat ilaannik imaluunniit tamanik unioqqutitsinerit akiliisitsissuteqarfiusinnaanerisa nalunaarusiami aalajangersaavigineqarsinnaanerannut najoqqutassiaq.

20) Kalaallit inuusuttut inuussutissarsiummik aallarnisaasut (akissaatikinnerusut) salliutinneqarlutik sullissinissanut qanoq iliorluni pitsaanerpaamik peqataatinneqarnissaat qulakkeerneqarsinnaasutut Naalakkersuisunit isigineqarpa?

Siunnersuut takornariaqarnermi namminersuutigisatut aningaasaliissutinik annertunerusunik siuarsaanissamik tunaartarinnippoq. Taamaalilluni siunnersuummi § 12 naapertorlugu pisinnaatitaaffeqartup akuersissummik nalunaaruteqarfiginissaanut naammaginartumik aningaasaqarnermigut tunuliaqutaqarnissaa piunasaqaataavoq. Aallarnisaasut akissaatikinnerusut inuussutissarsiutinik siuarsaanermut inatsit, tassungalu aaqqissuussatut ingerlatsiviit aqqutigalguut suliniutiminnut inuussutissarsiumut tapiissutissanik qinnuteqarsinnaapput.

21) Sulisut assigiinngitsut piffimmi ataatsimi suliassanut assigiiaanut sullissinissanut salliutinneqarnissaat periarfissinneqarsinnaasutut Naalakkersuisunit isumaqarfigineqarpa?

Sumiiffimmi ataatsimi arlalinnut akuersissummik nalunaaruteqartoqarsinnaaneq, soorlu soqutigisaqaqatigiit ataatsimoorussaminnik ingerlatsiviliornerat siunnersuummi mattunneqanngilaq. Aallaavigisarli tassaavoq sumiiffimmut ataatsimut taamaallaat pisinnaatitaaffeqartoq ataasiinnaassasoq.

Inuussutissarsiummik inuulluagqusillunga

Ove Karl Berthelsen



28. oktober 2012

j. nr. 01.36.02.03-00083

Inuussutissarsiornermut Aatsitassanullu Naalak-
kersuisoq
Ove Karl Berthelsen
/Maani

**Sumiiffinni nunami aalajangersimasuni takornariartitsinermit akuersissuteqartarnis-
saq pillugu Inatsisartut inatsisaata nr. xx, yy 2012-imeersup allannguutissaatut siun-
nersuummik UKA/2012/107-imik Inatsisartut suliarinninnerannut tunngatillugu.**

Qulaani suliap pineqatup suliarineqarneranut atatillugu Inuussutissarsiornermut Ataatsimiiti-
taliaq kingullermik ataatsimiinnermini Naalakkersuisunut makkuningga apeqquteqaasior-
poq.

1. Sumiiffimmi aalajangersimasumi pisuttuartitsinernik imaluunniit qimussimik angalaartitsinernik aaqqissuussinerit inatsit malillugu inummit ataatsimit ingerlatseqatigiiffimmilluunniit akuersissuteqarfigineqarsinnaappat, taamaalillunilu piffimmi pineqartumi allat pisuttuartitsinernik/qimussimik angalaartitsinermik akilerneqarlutik aaqqissuussinissamut mattunneqarlutik?
2. Sumiiffimmi aalajangersimasumi arfernik takuniaatitsilluni imaluunniit kangerlunni iigartartunik sermilimmi angallammik angalaartitsinernik aaqqissuussinerit inatsit malillugu inummit ataatsimit ingerlatseqatigiiffimmilluunniit akuersissuteqarfigineqarsinnaappat, taamaalillunilu piffimmi pineqartumi allat taamatut angalaartitsinermik akilerneqarlutik aaqqissuussinissamut mattunneqarlutik?
3. § 4, imm. 2-mut aamma § 18, imm. 1-imut nassuiaatini akuersissuteqarnissamut piumasaaqatit aamma akuerineqarnermi piumasaaqatit eqqartorneqarput. Taakku suna assigiinnigissutigaa?
4. § 8, imm. 2-mi allassimavoq: ” Tamatumunnga tunngavigineqarpoq suliffeqarfiit arlaqartut peqataatinnerisigut unammilleqatigiisittarnissaat kissaatigineqarmat”. Suliffeqarfimmut inummit ataatsimit pigineqartunut sanilliullugit ingerlatseqatigiiffiit akuutinneqarnissaasa immikkut kissaatigineqarneranut suna tunngaviuva?
5. Sukisaarsaatigalugu aalisartunik aalisartitsinermit akuersissuteqartarneq pillugu inatsimmi sapaatip akunneranik arfinilinnik piffissaliussinerup assinganik piffissaliussinani § 8, imm. 2-mi ullunik 45-nik piffissaliussinermit suna tunngavilersuutaava? Inatsisini taakkunanani marlunni piffissaliussat assigiippata atuisunut immaqa naleqqunnerussagalarpoq?
6. § 8, imm. 2-mi allassimavoq tamanut saqqummiussineq Naalakkersuisut nittartagaatigut allatigulluunniit, soorlu tusagassiutitigut pissasoq. § 8, imm. 3-mut nassuiaatini allassimavoq Naalakkersuisut nittartagaatigut imaluunniit tusagassiutit

- assigisaallu aqputigalugit tamanut saqqummiussineq pissasoq. Tamanna ima paasineqassava imm. 3 malillugu qinigassaqartoq, taamaassimappallu sooq?
7. Sukisaarsaatigalugu aalisartunik aalisartitsinermut akuersissummik qinnuteqartarnek assigalugu nalunaaruteqarnissap piunasaqaatiginissaata toqqarneqarsimannginneranut suna tunngaviuva?
 8. § 8, imm. 4-mut nassuiaatini allassimavoq: ” Tamakkulu saniatigut inatsisitigut sunniutissanik sunilluunniit imaqassanani”. Tamatumani suna pineqarpa? Pilersaarusiornermut oqartussaasoq ”aap”-imik akiguni sumiiffiup qinnuteqaatigineqartup takornariartitsinermut atugassiissutigineqarnissaanut pisussaaffealissannginnami?
 9. § 16 naapertorlugu akiliuteqarnissaq pillugu aalajangersagaliortoqarsinnaavoq. Akiliutit qanoq annertussuseqarnissaat qaqugu nalunaarutigineqassappat? Tamannalu ima siusitsigisukkut pissava qinnuteqartup qinnuteqaammik nassiussinermiut atatillugu ingerlatsinermut missingersuutissaminik suliaqarnermiut taakku ilanngussinnaanngorlugit?
 10. § 17 naapertorlugu ingerlatat aallartinneqannginneranni ingerlataqarnissamut pilersaarut akuerineqaqqaarsimassaaq. Taanna akuersissummik tunniussinermi akuerineqarsimasariaqanngila?
 11. § 21-imut nassuiaatit naggataanni allassimavoq: ”imaluunniit siunnersuut malillugu akuersissummut tunniunneqartumut piunasaqaatit atorunnaarpata”. Inatsit malillugu akuersissummut tunniunneqartumut piunasaqaatit atorunnaarpata akuersissummik utertitsineq piginnaatitsissummik pigisaqartup Naalakkersuisunut/pilersaarusiornermut oqartussaasumut taarsiissuteqaqquqsisinnaaneranut periarfissiiva? Akuersissummut tunniunneqartumut piunasaqaatit pillugit pissutsit piginnaatitsissummik piginnittumut tunnganatik akuersissummik tunniussinermut oqartussaasumut tunngasutut paasineqartariaqarput. Nassuiaammi assersuutigalugu eqqarsaatigineqartoq tassaanerluni sumiiffimmi aatsitassat ima annertutigisut pigineqartut paasineqarpat niuernikkut iluanaarniutigineqarsinnaallutik akuersissutit tunniunneqarsimasup utertinneqarsinnaanera?
 12. § 23, imm. 2 pillugu. Takornariat aallarunneqartariaqarlarsut pillugu peqqinnissaqarfimmik isumaqatigiissuteqarnissamut periarfissaqarpa? Aammalu tamanna pillugu Naalakkersuisoqarfik tusarniarneqarsimava?
 13. § 26 pillugu. Assersuutigalugu Ittoqqortoormiit eqqaanni illuaqqanut marlunnut assersuutigalugu qimussertitsinermut akuersissummut atatillugu suliap suliarineqarneranut piginnaatitsissummik piginnittoq qanoq akiliuteqassasoq Naalakkersuisunit naatsorsuutigineqarpa?
 14. § 25-imut nassuiaatini allassimavoq nakkutilliinissaq annertusoq. Taamatut nakkutilliineq kimit ingerlanneqassava siulianilu assersuummut tunngatillugu qanoq akulikitsigisumik assersuutigalugu ingerlanneqartassava?
 15. § 25 pillugu. Ingerlatassamut apeqqut 13-imi taaneqartumut atatillugu ingerlaavartumik nakkutilliinermut piginnaatitsissummik pigisaqartoq qanoq akiliuteqartassasoq Naalakkersuisunit naatsorsuutigineqarpa?

16. Nakkutilliinikkut pinngitsoortinneqarsinnaagaluartumik ajutoortoqarpat nakkutilliinissamik pisussaaffimmik annertuumik sumiginnaaneq Naalakkersuisut taarsiissuteqartussaataitaanerannik kinguneqarsinnaava?
17. § 26-imut nassuiaatini ima allassimavoq: Aningaasartuutit suulluunniit sullinneqarnermi akiliutitut, imaluunniit aningaasartuutinik utertitsinertut akilertinniarneqarsinnaapput, sullissinerit Naalakkersuisunit tunniunneqartunut akiliutit naammattutut amerlassuseqassappata. Kommunit sullissineq tunniunneqarpat utertitsinissap mattunneqarnera nassuiaatip taassuma kingunerissavaa?
18. § 28, imm. 1-mi nr. 2 naapertorlugu akuersissummi piunasaqaatinik imaluunniit akuersissummi piunasaqaatinik unioqqutitsineq akiliisitsissutaasinnaavoq. Taamatut immikkoortitsineri suna eqqarsaatigineqarpa?
19. § 28, imm. 1 nr. 2-mi aamma § 28, imm. 2-mi aalajangersakkat assigiittut oqaatigineqarsinnaasut ilanngunneqarnerannut suna tunngavilersuutaava?
20. Kalaallit inuusuttut inuussutissarsiummik aallarnisaasut (akissaatikinnerusut) salliutinneqarlutik sullissinissanut qanoq iliorluni pitsaanerpaamik peqataatinneqarnissaat qulakkeerneqarsinnaasutut Naalakkersuisuniit isigineqarpa?
21. Sulisut assigiinngitsut piffimmi ataatsimi suliassanut assigiiaanut sullissinissanut salliutinneqarnissaat periarfissinneqarsinnaasutut Naalakkersuisunit isumaqarfigineqarpa?

Apeqquteqaatigineqartut piaartumik akissuteqarfigeqquneqarput kingusinnerpaamik ataatsinngornermi novemberip 5-ani 2012-imi, taamaalilluni akissutigineqartut suliap aappassaaneerneqarnissaanut ataatsimiititaliap isumaliutissiissusiaanut ilaatinneqarniassammata.

Ataatsimiititaliaq sinnerlugu

Naaja Nathanielsen
Siulittaasoq